

全上古三代秦漢三國六朝文

全三國文卷四

烏程嚴可均校輯

魏四

文帝一

帝諱丕字子桓武帝長子建安十六年為五官中郎將二十二年立為魏太子二十五年正月嗣魏王位改建安為延康十一月受禪改元黃初在位七年諡曰文皇帝廟號高祖有典論五卷列異傳三卷集二十三卷

愁霖賦

脂余車而秣馬將言旋乎鄴都玄雲黯黯

文選潘岳舊賦注作默

其四塞雨濛

濛而襲子塗漸如旨沈滯潦淫衍而橫湍豈在余之憚勞哀行旅之艱難仰皇天而歎息悲白日之不暘思若木已照路假龍燭之

末光

藝文類聚二

喜霽賦

乃命駕而言歸、啟吉日而北巡、厭羣萌之至願、感上下之明神、密雲興之坎扎、甘雨降曰灑塵、既灑塵而爲塗、惟平路之未晞、激清風曰漂潦、發皎日之揚暉、振余策而長驅、忽臨食而忘飢、思寄身于鴻鸞、舉六翩而輕飛、

按文類聚二文選陸機爲顧彥先贈婦詩注后宋王明君辭注

濟川賦

臨濟川之魯淮、覽洪波之容裔、溟騰揚曰相薄、激長風而亟逝、溟浩汗而難測、眇不覩其限際、于是龜龍神娉、鴻鸞羣翔、鱗介霍驛、載止載行、俯接菁藻、仰飡若芳、永號長吟、延首相望、美玉昭晰、日曜輝明、珠灼灼而流光、于是遊覽既厭、日亦西傾、朱旗電曜、擊鼓雷鳴、長驅風厲、悠爾北征、思魏都曰假息、託華屋而遨遊、酌玄清于金罍、騰羽觴曰獻酬、

按文類聚八

臨鴻賦

并序

上建安十八年至譙余兄弟從上拜墳墓遂乘馬遊觀經東園遵
渦水相伴乎高樹之下駐馬書鞭爲臨渦之賦曰藝文類聚八初
學記九又二

二御覽三百五十
九五百八十七

蔭高樹兮臨曲渦微風起兮水增波魚頤頤兮鳥逶迤雌雄鳴兮
聲相和萍藻生兮散莖柯春水繁兮發丹華藝文類
聚八

滄海賦

美百川之獨宗壯滄海之威神經扶桑而遐逝跨天崖而託身驚
濤暴駭騰踊澎湃鏗訇隱鄰涌沸凌邁于是鼉鼉漸離泛濫淫遊
鴻鸞孔鵠哀鳴相求揚鱗濯翼載沈載浮仰喙芳芝俛漱清流巨
魚橫奔厥勢吞舟爾乃釣大貝採明珠舉懸黎收武夫窺大麓之
潛林覩搖木之羅生上塞崖目交錯下來風之泠泠振綠葉目葳
蕤吐芬葩而揚榮藝文類
聚八

述征賦

建安之十三年、荆楚傲而弗臣、命元司、召簡旅、予願奮武乎南鄴、
伐靈鼓之赫隱兮、建長旗之飄飄、躍甲卒之皓旰、馳萬騎之瀏瀏、
揚凱悌之豐惠兮、仰乾威之靈武、伊皇衢之遐通兮、維天綱之畢
舉、經南野之舊都、聊弭節而容與、遵往初之舊迹、順歸風、已長邁、
鎮江漢之遺民、靜南畿之遐裔、苑文類聚五十九

羨西門之嘉迹、忽遙睇其靈宇、

水經濁漳水注

浮淮賦

并序 案書鈔御覽作并淮賦

建安十四年、王師自譙東征、大興水軍、泛舟萬艘、時余從行、始入
淮口、行泊東山、觀師徒、觀旌帆、赫哉盛矣、雖孝武盛唐之狩、舳艫
千里、殆不過也、乃作斯賦云、

沂淮水而南邁兮、泛洪濤之滄波、仰崑岡之崇阻兮、經東山之曲
阿、浮飛舟之萬艘兮、建干將之鉞戈、揚雲旗之續紛兮、聆榜人之
謠譁、乃撞金鐘、爰伐雷鼓、白旄沖天、黃鉞扞扞、武將奮發、驍騎赫

怒于是驚風泛、涌波駭、眾帆張、羣櫂起、爭先遂進、莫適相待、

北堂書
一百二十七
魏文類聚八
初學記六御覽七百七十

成盈賦 并序

邇賢東閣、延賓高會、酒酣樂作、悵然懷盈滿之戒、乃作斯賦、

惟應龍之將舉、飛雲降而下征、資物類之相感、信貫徹之通靈、何

今日之延賓、君子紛其集庭、信臨高而增懼、獨處滿而懷愁、願羣

士之箴規、博納我曰良謀、魏文類聚
二十二

離居賦

惟離居之可悲、塊獨處于空牀、愁耿耿而不寐、歷終夜之悠長、驚

風厲于閨闥、忽增激于中房、動帷裳之曖曖、對明燭而無光、魏文
類聚

三十初學
記十八

感離賦 并序

建安十六年、上西征、余居守、老母諸弟皆從、不勝思慕、乃作賦曰、

秋風動今天氣涼居常不快今中心傷出北園兮彷徨望眾慕兮
成行柯條憊兮無色綠草變兮萎黃脫微霜兮零落隨風雨兮飛
揚日薄暮兮無慘思不衰兮愈多招延佇兮良久忽踟躕兮忘家

藝文類
聚三十

永思賦

仰北辰而永思派悲風以增傷哀遐路之漫漫痛長河之無梁願
託乘于浮雲嗟逝速之難當

藝文類
聚三十

出婦賦

念在昔之恩妖佞比翼之相親惟方今之疏絕若驚風之吹塵夫
色衰而愛絕信古今其有之傷煢獨之無恃恨眉嗣之不滋甘沒
身而同穴終百年之常期信無子而應出自典禮之常度悲谷風
之不答怨昔人之忽故被入門之初服出登車而就路遵長塗而
南邁馬躊躇而迴顧野鳥翔而高飛愴哀鳴而相慕撫騅服而屏

節卽臨沂之舊城踐麋鹿之曲蹊聽百鳥之羣鳴情悵恨而顧望

心鬱結其不平

蘇文類聚三十

悼天賦

并序

族弟文仲亡時年十一母氏傷其天逝追悼無已予曰宗族之愛

乃作斯賦

氣紆結已填胸不知涕之縱橫時徘徊于舊處覩靈衣之在牀感

遺物之如故痛爾身之獨亡愁端坐而無聊心慙慙而不寤步廣

廈而踟躕覽萱草于中庭悲風蕭其夜起秋氣憺已厲情仰瞻天

而太息聞別鳥之哀鳴

蘇文類聚三十四

寡婦賦

并序

陳留阮元瑜與余有舊薄命早亡每感存其遺孤未嘗不愴然傷

心故作斯賦已敘其妻子悲苦之情命王粲竝作之

蘇文類聚三十四文選潘

岳寡婦賦注

惟生民兮艱危，在孤寡兮常悲。人皆處兮歡樂，我獨愁兮無依。撫遺孤兮太息，俛哀傷兮告誰。三辰周兮遞照，寒暑運兮代臻。歷夏日兮苦長，涉秋夜兮漫漫。微霜隕兮集庭，燕雀飛兮我前。去秋兮既冬，改節兮時寒。水凝兮成冰，雪落兮翻翻。傷薄命兮寡獨，內惆悵兮自憐。藝文類聚三十四

感物賦

并序

喪亂已來，天下城郭丘墟。惟從太僕君宅尚在，南征荊州，還過鄉里，舍焉乃種諸蔗于中庭。涉夏歷秋，先盛後衰，悟興廢之無常，慨然永歎，乃作斯賦。

伊陽春之散節，悟乾坤之交靈。瞻玄雲之蔚縠，仰沈陰之杳冥。降甘雨之豐沛，垂長溜之泠泠。堀中堂而爲圃，植諸蔗于前庭。涉炎夏而既盛，迄凜秋而將衰。豈在斯之獨然，信人物其有之。藝文類聚三十四

四

哀已賦

蒙君子之博愛垂迨望之渥思

文選陸雲為顧彦先贈婦詩注

登臺賦并序

建安十七年春口遊西園登銅雀臺命余兄弟竝作其詞曰

登高臺曰聘望好靈雀之麗爛飛閣崛其特起層樓儼曰承天步

逍遙曰容與聊遊目于西山溪谷紆曰交錯草木鬱其相連風飄

飄而吹衣鳥飛鳴而過前申躊躇曰周覽臨城隅之通川

魏文類聚六十

登城賦

孟春之月惟歲權輿和風初暘有穆其舒駕言東邁陟彼城隅逍

遙遠望乃欣曰娛平原博敞中田闢除嘉麥被壟緣路帶衢流莖

散葉列倚相扶水幡幡曰長流魚裔裔而東馳風颿颿而既臻日

掩葵而西移望舊館而言旋永優游而無為

載文類聚六十三初學記二十四

校獵賦

高宗征于鬼方兮，黃帝有事于阪泉。愠賊備之作戾兮，念吳夷之不藩。將訓兵于講武兮，因大蒐乎田隙。初學記二十二

披高門而方軌，邁夷塗而直駕。同上

長鍛紕霓，飛旗拂天。部曲按列，什伍相連。踣如叢林，動若崩山。抗
沖天之素旄兮，靡格澤之修旗。雄戟橫而躍鴈兮，黃鉞扞而揚鮮。
超崇岸之曾崖，厲漳澨之雙川。千乘亂擾，萬騎奔走。經營原隰，騰
越峻阻。彤弓斯發，戈鉞具舉。列翠星陳，戎車方轂。風迴雲轉，埃連
颿屬。雷響震天地，謀聲蕩川岳。遂躡封狶，藉塵鹿。捎飛鳶，接鷺鷥。
聚者成丘陵，散者闌溪谷。流血赫其丹野，羽毛紛其翳目。考功効
績，班賜有敘。授受甘飴，飛酌清醕。割鮮野烹，舉爵鳴鼓。鑾輿促節，
騁轡迴翔。望爵臺而增舉，涉幽壑之花梁。藝文類聚卷十六御覽
三百三十九引兩條
立路寢而聽政，總羣司之紀綱。消搖後庭，休息閑房。步輦西園，還

生玉堂

初學記二十四

蔡伯喈女賦

序

家公與蔡伯喈有管鮑之好乃命使者周近持玄璧于匈奴贖其女還曰妻屯田都尉使者御覽八百六

玉琰賦

有昆山之妙璞產曾城之峻崖嗽丹水之炎波陰瑤樹之玄枝包黃中之純氣抱虛靜而無爲應九德之淑懿體五材之表儀藝文類聚

六十

彈碁賦

惟彈碁之嘉巧邈超絕其無俦苞上智之弘略允貫微而洞幽局則荆山妙璞發藻揚暉豐腹高隆庫根四積平如砥礪滑若柔策碁則玄木北幹素樹西枝洪纖若一修短無差象籌列植一據雙螭滑石霧散雲布四垂然後直叩先縱二八次舉緣邊間造長邪

全三國文卷四

魏文帝

太

迭取、爾乃詳觀夫變化之理、屈伸之形、聯翩霍繹、展轉盤縈、或暇
豫安存、或窮困側傾、或接黨連興、或孤據偏停、于時觀者、莫不虛
心竦踊、咸側息而延佇、或雷抃曰大噓、或戰悸而不能語、魏文帝
集七十

文石爲局、金碧齊精、隆中夷外、理緻夷平、御覽七百
五十五

迷迭賦并序

余種迷迭于中庭、嘉其揚條吐香、馥有合芳、乃爲之賦曰、

坐中堂、已遊觀兮、覽芳草之樹庭、重妙葉于纖枝兮、揚修幹而結
莖、承靈露、已潤根兮、嘉日月而敷榮、隨迴風、已搖動兮、吐芳氣之
穆清、薄六夷之穢俗兮、越萬里而來征、豈眾卉之足方兮、信希世
而特生、甄文類聚八十一
御覽九百八十二

馬瑤勒賦并序

馬瑤、玉屬也、出自西域、文理交錯、有似馬腦、故其方人因已名之、

或曰繫頸、或曰飾勒。余有斯歎，美而賦之。命陳琳、王粲並作其詞曰：

有奇章之珍物，寄中山之崇岡。稟金德之靈施，含白虎之華章。扇朔方之玄氣，喜南離之焱陽。歛中區之黃采，曜東夏之純蒼。苞五色之明麗，配皎日之流光。命夫良工，是剖是鑄。追形逐好，從宜索便。乃加砥礪，刻方爲圓。沈光內炤，浮景外鮮。繁文繹藻，交采接連。奇章口口，的礫其間。嘉鏤錫之盛美，感戎馬之首飾。圖茲物之攸宜，信君子之所服。爾乃藉彼朱罽，華勒用成。駢居列跣，煥若羅星。

北堂書鈔一百二十六藝文類聚
八十國御覽三百五十八八百八

車渠碗賦

并序

車渠，玉屬也。多纖理縹文，生于西國。其俗寶之，小曰繫頸，大曰爲器。

惟二儀之普育，何萬物之殊形。料珍怪之止美，無茲碗之獨靈。苞

華文之光麗、發符采而揚榮、理交錯以連屬、侶將離而復并、或若
朝雲浮高山、忽侶飛鳥厲蒼天、夫其方者如矩、圓者如規、稠希不
謬、洪纖有宜、藝文類聚八十
四御覽八百八

槐賦

并序

文昌殿中槐樹、盛暑之時、余數遊其下、美而賦之、王粲直登賢門、
小閣外亦有槐樹、乃就使賦焉、

有大邦之美樹、惟合質之可嘉、託靈根于豐壤、被日月之光華、周
長廊而開趾、夾通門而駢羅、承文昌之窳宇、望迎風之曲阿、修幹
紛其灌錯、綠葉萋而重陰、上幽藹而雲覆、下莖立而擢心、伊暮春
之既替、卽首夏之初期、鴻雁遊而送節、凱風翔而迎時、天清和而
溫潤、氣恬淡以安治、違隆暑而適體、誰謂此之不怡、藝文類聚
八十八

柳賦

并序

昔建安五年、上與袁紹戰于官渡、是時余始植斯柳、自彼迄今、十

有五載矣、左右僕御、已多亡、感物傷懷、乃作斯賦曰、

伊中域之偉木兮、瑰姿妙其可珍、稟靈祇之篤施兮、與造化乎相
因、四氣邁而代運兮、去冬節而涉春、彼庶卉之未動兮、固戢萌而
先辰、盛德遷而南移兮、星鳥正而司分、應隆時而繁育兮、揚翠葉
之青純、修榦偃蹇已虹指兮、柔條阿那而蛇伸、上扶疏而宇散兮、
下交錯而龍鱗、在余年之二七、植斯柳乎中庭、始圍寸而高尺、今
連拱而九成、嗟日月之逝邁、忽覺覺已過征、昔周遊而處此、今倏
忽而弗形、感遺物而懷故、俛惆悵已傷情、于是曜靈次乎鵲首兮、
景風扇而增煖、豐弘陰而博覆兮、躬愷悌而弗倦、四馬望而傾蓋
兮、行旅仰而迴瞻、秉至德而不伐兮、豈簡卑而擇賤、含精靈而奇
生兮、保休體之豐衍、惟尺斷而能植兮、信永貞而可羨、
藝文類聚
卷八十九文

選石崇王明君辭注初學記

二十八御覽九百五十七

鶯賦并序

堂前有籠鶯晨夜哀鳴悽若有懷憐而賦之曰

怨羅人之我困痛密網而在身顧窮悲而無告知時命之將泯升
華堂而進御奉明后之威神唯今日之僥倖得去死而就生託幽
籠已栖息厲清風而哀鳴

苑文類聚
九十二

賜進士出身二品銜廣東等處提刑按察使司按察使兼管驛傳事務黃岡王毓藻校刊

全三國文卷五

烏程嚴可均校輯

魏五

文帝二

制復于禁等官

昔荀林父敗績于鄆，孟明喪師于殽，秦晉不替，使復其位。其後晉獲狄土，秦霸西戎，區區小國，猶尚若斯，而況萬乘乎？樊城之敗，水災暴至，非戰之咎，其復禁等官。

魏志于禁傳注引魏書

詔議追崇始祖

前奏曰：朝車迎中常侍大長秋，特進君侯神主，然君侯不宜，但依故爵乘朝車也。禮有尊親之義，為可依諸王比更議。

通典七十二文帝卽王位

尚書令桓階等

奏云云下詔

任城王彰增邑詔

延康元年

先王之道庸勳親親竝建母弟開國承家故能藩屏大宗禦侮厭難彰前受命北伐清定朔土厥功茂焉增邑五千并前萬戶

魏志任城

威王傳

封朱靈爲郇侯詔

延康元年

將軍佐命先帝典兵歷年威過方邵功踰絳灌圖籍所美何已加焉朕受天命帝有海內元功之將社稷之臣皆朕所與同福同慶傳之無窮者也今封郇侯富貴不歸故鄉如夜行衣繻若平常所志願勿難言

魏志徐晃傳注引魏書

報何夔乞遜位詔

延康元年

蓋禮賢親舊帝王之常務也曰親則君有輔弼之勳焉曰賢則君有醇固之茂焉夫有陰德者必有陽報今君疾雖未瘳神明聽之矣君其卽安曰順朕意

魏志何夔傳

詔官李通子基緒

延康元年

昔袁紹之難、自許蔡曰、南人懷異心、通秉義不顧、使攜貳率服、朕甚嘉之、不幸早薨、子基雖已襲爵、未足酬其庸勲、基兄緒前屯樊城、又有功、世篤其勞、曰基爲奉義中郎將、緒平虜中郎將、曰寵異焉、魏志李通傳

詔張既爲涼州刺史

昔賈復請擊郾賊、光武笑曰、執金吾擊郾、吾復何憂、卿謀略過人、今則其時、曰便宜從事、勿復先請、魏志張既傳

出蔣濟爲東中郎將、不聽請留詔

高祖歌曰、安得猛士守四方、天下未寧、要須良臣、曰鎮邊境、如其無事、乃還鳴玉、未爲後也、魏志蔣濟傳

止臨菑侯植求祭先王詔

得月二十八日表、知侯推情、欲祭先王于河上、覽省上下悲傷、感切、將欲遣禮、曰紆侯敬恭之意、會博士鹿優等奏禮如此、故寫曰

示開國承家顧迫禮制推侯存心與吾同之御覽五百二十六

詔褒張既擊胡延康元年

卿踰河歷險已勞擊逸已寡勝眾功過南仲勦踰吉甫此勳非但

破胡乃永寧河右使吾長無西顧之念矣魏志張既傳

制詔三公改元大赦延康元年十一月辛未

上古之始有君也必崇恩化已美風俗然百姓順教而刑辟厝焉

今朕承帝王之緒其已延康元年為黃初元年議改正朔易服色

殊徽號同律度量承土行大赦天下自殊死已下諸不當得赦皆

赦除之魏志文帝紀注引獻帝傳

答桓階等奏改服色詔黃初元年

服色如所奏其餘宜如虞承唐但臘日用丑耳此亦聖人之制也

宋書禮志

定服色詔黃初元年

孔子稱行夏之時、乘殷之輅、服周之冕、樂則韶舞。此聖人集羣代之美事、爲後王制法也。傳曰：夏數爲得天。朕承唐虞之美、至于正朔、當依虞夏故事。若殊徽號、異器械、制禮樂、易服色、用牲幣、自當隨土德之數。每四時之季月、服黃十八日、臘己丑、牲用白。其飾節旄、自當赤。但節幡黃耳。其餘郊祀天地、朝會四時之服、宜如漢制。宗廟所服、一如周禮。宋書禮志一

改雒爲洛詔

漢火行也、火忌水。故洛去水而加隹。魏于行次爲土。土水之牡也。水得土而流、土得水而柔。故除隹加水。變雒爲洛。御覽十七引魏略、晉府元龜四

詔征南將軍夏侯尚

卿腹心重將、特當任使。恩施足死、惠愛可懷。作威作福、殺人活人。

魏志蔣濟傳又見御覽五百九十三

春分拜日詔

觀禮天子拜日東門之外反禮方明朝事議曰天子冕而執鎮圭率諸侯朝日于東郊呂此言之蓋諸侯朝天子祀方明因率朝日也漢改周法羣公無四朝之事故不復朝于東郊得禮之變矣然旦夕常于殿下東向拜日其禮太煩晉志宋志作煩褻俗家人今采周春分之禮損漢日拜之儀又無諸侯之事無所出東郊今正殿卽亦朝會行禮之庭也宜常呂春分于正殿之庭拜日其夕月文不分明其議奏南齊書禮志上永元元年何佟之議引又隋見晉書禮志上宋書禮志一通典四十四呂張登爲大官令詔

登忠義彰著在職功勤名位雖卑直亮宜顯饗膳近任當得此吏今呂登爲太官令

魏志王粲傳注書鈔五十五並引王朗集又見御覽二百二十九

下詔賜華歆衣

黃初元年

司徒國之雋老所與和陰陽理庶事也今太官重膳而司徒蔬食甚無謂也特賜御衣及爲其妻子男女皆作衣服

魏志華歆傳

賜桓階詔

光下脫光

昔子文清儉朝不謀夕而有腊糧之秩宣子守約簞食魚飧而有
加梁之賜況光大魏富有四海棟宇之大臣而有疏食非吾所以
禮賢之意也其賜射鹿師二人竝給媒御覽二百六十二引桓階
別傳又引本注齊人謂麋

媒為

荅鄆鄆淳上受命述詔

淳作此甚典雅私亦美曰案當有誤朕何日堪也哉其賜帛四十疋御覽

八百十八

復潁川一年田租詔黃初二年正月壬午

潁川先帝所由起兵征伐也官渡之役四方瓦解遠近顧望而此
郡守義丁壯荷戈老弱負糧昔漢祖曰秦中為國本光武恃河內
為王基今朕復于此登壇受禪天曰此郡翼成大魏魏志文帝紀
注引魏書
曰孔羨為宗聖侯置吏修廟詔黃初二年正月壬午

昔仲尼姦大聖之才懷帝王之器當衰周之末而無受命之運在
乎魯衛之朝教化乎汶泗之上栖栖焉皇皇焉欲屈己已存道貶
身已救世于時王公終莫能用乃退攷五代之祚修素王之事因
魯史而制春秋就太師而正雅頌俾千載之後莫不采其文已述
作仰其聖已成謀咨可謂命世之大聖億載之師表者已遭天下
大亂百祀墮壞舊居之廟毀而不修褒成之後絕而莫繼闕里不
聞講頌之聲四時不覩蒸嘗之位斯豈所謂崇化報功盛德百世
必祀者哉其已議郎孔羨爲宗聖侯邑百戶奉孔子祀令魯郡修
起舊廟置百石吏卒已守衛之又于其外廣爲屋宇已居學者傳志
文帝紀又見宋書禮志四案陳思王所撰碑文有
此詔與此小異其已議郎上有嗟乎朕甚閔焉二句
爲漢帝置守冢詔

朕承符運受終革命其敬事山陽公如舜之宗堯有始有卒傳之
無窮前羣司奏處正朔欲使一皆從魏制意所不安其令山陽公

後下脫中
漢下脫典
帝下脫置

于其國正朔服色祭祀禮樂自如漢又爲武昭宣明帝守冢各三百家

御覽五百六十一

日食勿劾太尉詔

黃初二年六月晦

災異之作曰譴元首而歸過股肱豈禹湯罪己之義乎其令百官各虔厥職後有天地之眚勿復劾三公

魏志文帝紀晉天文志二甄文類聚四十六引齊職儀

贈諡鄧哀侯詔

惟黃初二年八月丙午皇帝曰咨爾鄧哀侯沖昔皇天鍾美于爾躬俾聰哲之才成于弱年當永享顯祚克成厥終如何不祿早世天昏朕承天序享有四海竝建親親曰藩王室惟爾不逮斯榮且葬禮未備追悼之懷愴然攸傷今遷葬于高陵使使持節兼謁者僕射郎中陳承追賜號曰鄧公祠曰大牢魂而有靈休茲寵榮嗚呼哀哉

魏志鄧哀王沖傳注引魏書

與于禁詔

昔漢高祖脫衣曰衣韓信、光武解綬曰帶李忠、誠皆人主當時貴敬功勞、効心之至也。今賜將軍曰魏王時自所佩朱戟、及遠游冠、御覽六百八十五又六百九十一

平準詔

今與孫驃騎和通、商旅當日月而至、而百賈偷利、喜賤其物、平價又與其絹、故官逆爲平準耳、官豈少此物輩耶、御覽八百十七賜故太尉楊彪几杖詔、黃初二年十月己亥

夫先王制几杖之賜、所曰賓禮黃耆、褒崇元老也。昔孔光、卓茂、皆曰淑德高年、受茲嘉賜、公故漢宰臣、乃祖已來、世著名節、年過七十、行不踰矩、可謂老成人矣。所宜寵異、曰章舊德、其賜公延年杖及馮几、謁請之日、便使杖入、又可使著鹿皮冠、魏志文帝紀注引

傳注北堂書鈔一百三十三、並引續漢書又見袁宏後漢紀三十書鈔一百三十三

改封曹植爲安鄉侯詔

黃初二年

植朕之同母弟朕于天下無所不容而況植乎骨肉之親舍而不

誅其改封植

魏志陳思王植傳注引魏書

取士勿限年詔

黃初三年正月庚午

今之計考古之貢士也十室之邑必有忠信若限年然後取士是
呂尙周晉不顯于前世也其令郡國所選勿拘老幼儒通經術吏
達文法到皆試用有司糾故不曰實者

魏志文帝紀

詔答吳王

黃初三年

老虜邊窟越險深入曠日持久內迫罷弊外困智力故見身于難
頭分兵擬西陵其計不過謂可轉是前迹已搖動江東根未著地
摧折其支雖未剗備五藏使身首分離其所降誅亦足使虜部眾
兇懼昔吳漢先燒荊門後發夷陵而子陽無所逃其死來歙始襲
略陽文叔喜之而知隗囂無所施其巧今討此虜正倡其事將軍

勉建方略務全獨克

吳志吳王傳二注引魏書載詔答

撫勞西域奉獻詔

黃初三年二月

西戎卽敘氏羌來王詩書美之頃者西域外夷竝款塞內附其遣使者撫勞之

魏志文帝紀

毀高陵祭殿詔

黃初三年

先帝躬履節儉遺詔省約子曰述父爲孝臣曰繼事爲忠古不墓祭皆設于廟高陵上殿屋皆毀壞車馬還殿衣服藏府曰從先帝

儉德之志

晉書禮志中宋書禮志三又通典五十二

禁婦人與政詔

黃初三年九月

夫婦人與政亂之本也自今以後羣臣不得奏事太后后族之家不得當輔政之任又不得橫受茅土之爵曰此詔傳後世若有背違天下共誅之

魏志文帝紀

制傍枝入嗣大位不得加父母尊號詔

依漢祖之尊，太上皇是也。且禮不曰父命辭王父命，漢氏諸侯之人，皆受天子之命，庸于宗也。而猶顧其私親，僭擬天號，豈所謂爲人後之義哉？後代若諸侯入嗣者，皆不得迫加其私考爲皇，妣爲后也。故有侯嬖妖惑之人，欲悅時主，繆建非義之事，呂亂正統者，此股肱大臣所當禽誅也。其著乎甲令，書之金策，藏諸宗廟，副乎三府，尙書中書亦當各藏一通。通典七十二

答中山王獻黃龍頌詔

黃初三年

昔唐叔歸禾，東平獻頌，斯皆骨肉贊美，呂彰懿親。王研精墳典，耽味道真，文雅煥炳，朕甚嘉之。王其克慎明德，呂終令問。魏志中山恭王奏傳

詔責孫權

黃初三年

權前對浩，周自陳，不敢自遠，樂委質長爲外臣。又前後辭旨，頭尾擊地，此鼠子自知不能保爾許地也。又今與周書，請曰十二月遣子，復欲遣孫長緒、張子布隨子俱來，彼二人皆權股肱心腹也。又

欲爲子于京師求婦此權異心之明效也

吳志大帝傳注引魏略

伐吳詔

黃初三年十月

制詔昔軒轅不爲涿鹿之師則蚩尤之妖不滅唐堯不興丹水之陳則南蠻之難不平漢武不行呂嘉之罰則橫浦之表不附光武不加囂述之誅則隴蜀之亂不清故曰非威不服非兵不定孫權小醜憑江停暴因有外心凶頑有性故奮武銳順天行誅驍騎龍驤猛將武步或修句踐潛涉之口頑或圖韓信夏口之誑愚接舡冒水攻陳六軍已陸橫擊征南進運已圍江陵多獲舟船斬首執俘降者盈路牛酒日至大司馬及征東諸將卷甲長驅其舟隊今已向濟今車駕自東爲之瞻鎮雲行天步乘輿而運賊進退道迫首尾有難不爲楚靈乾溪之潰將有彭寵蕭牆之變必自魚爛不復血刃宜慎終勅辭曰聞文館詞林六百六十二

禁復私讎詔

喪亂以來、兵革縱橫、天下之人、多相殘害者、昔田橫殺鄒商之兄、張步害伏湛之子、漢氏二祖下詔、使不得相讎、賈復寇恂、私相怨憾、至懷手劒之忿、光武召而和之、卒共同輿而載、今兵戎始息、宇內初定、民之存者、非流亡之孤、則鋒刃之餘、當相親愛、養老長幼、自今日後、病有讎怨者、皆不得相讎、敢有復私讎者、皆族之、

紀載文類聚三十三
御覽四百八十二

敕還師詔 黃初四年三月

孫權殘害民物、朕曰寇不可長、故分命猛將、三道竝征、今征東諸軍與權黨呂範等、水戰則斬首四萬、獲船萬艘、大司馬據守濡須、其所禽獲亦已萬數、中軍征南、攻圍江陵、左將軍張郃等、舳艫直渡、擊其南渚、賊赴水溺死者數千人、又爲地道攻城、城中外雀鼠不得出入、此凡上肉耳、而賊中瘴氣疾病、夾江塗地、恐相染污、昔周武伐殷、旋師孟津、漢祖征隗囂、還軍高平、皆知天時而度賊情、

也且成湯解三面之網天下歸仁今開江陵之圍日緩成死之禽
且休力役罷省繇戍畜養士民咸使安息

魏志文帝紀
注引魏書

日蔣濟爲東中郎將代領曹仁兵詔

黃初四年三月

卿兼資文武志節愜懷常有超越江湖吞吳會之志故復授將率
之任

魏志蔣
濟傳

鵠鵬集靈芝池詔

黃初四年五月

此詩人所謂汙澤者也曹詩刺恭公遠君子而近小人今豈有賢
智之士處于下位者乎否則斯鳥何爲而至哉其博舉天下鵠德
茂才獨行君子日答曹人之刺

魏志文帝紀又晉書五
行志中宋書五行志二

詔賜張既子翁歸爵

黃初四年

昔荀桓子立勳翟士晉侯賞日千室之邑馮異輸力漢朝光武封
其二子故涼州刺史張既能容民畜眾使羣羌歸土可謂國之良
臣不幸薨隕朕甚愍之其賜小子翁歸爵關內侯

魏志張
既傳

止王朗讓位詔

黃初四年

朕求賢于君而未得君乃翻然稱疾非徒不得賢更開失賢之路
增玉鉉之傾無乃居其室出其言不善見違于君子乎君其勿有
後辭

魏志王朗傳

詔賜溫恢子生爵

恢有柱石之質服事先帝功勤明著及爲朕執事忠于王室故授
之曰萬里之任任之曰一方之事如何不遂吾甚愍之賜恢子生
爵關內侯

魏志溫恢傳

賜進士出身 品銜廣東等處提刑按察使司按察使兼管驛傳事務副王毓藻校刊

全三國文卷六

烏程嚴可均校輯

魏六

文帝三

改封縣王詔

黃初五年

先王建國隨時而制漢祖增秦所置郡至光武曰天下損耗并省郡縣曰今比之益不及焉其改封諸王皆爲縣王

魏志彭城王攸傳

車駕臨江還詔三公

三世爲將道家所忌窮兵黷武古有成戒況連年水旱士民損耗而功作倍于前勞役兼于昔進不滅賊退不和民夫屋漏在上知之下然迷而知反失道不遠過而能改謂之不過今將休息棲備高山沈權九淵割除擯棄投之畫外車駕當曰今月中旬到譙淮漢眾軍亦各還反不臘西歸矣

魏志王朗傳

議輕刑詔

黃初五年十月

近之不綏何遠之懷今事多而民少上下相弊已文法百姓無所措其手足昔太山之哭者已爲苛政甚于猛虎吾備儒者之風服聖人之遺教豈可已目翫其辭行違其誠者哉廣議輕刑已惠百姓

姓

魏志文帝紀注引魏書

禁設非禮之祭詔

黃初五年十二月

先王祭禮所已昭孝事祖大則郊社其次宗廟三辰五行名山大川非此族也不在祀典叔世衰亂崇信巫史至乃宮殿之內戶牖之間無不沃醑甚矣其惑也自今其敢設非禮之祭巫祝之言皆已執左道論著于令典

魏志文帝紀宋書禮志四通典五十五

伐吳設鎮軍撫軍大將軍詔

黃初六年二月

制詔昔軒轅建四面之號周武稱予有亂臣十人斯蓋先聖所已體國君民亮成天工多賢爲貴也今內有公卿已鎮京師外設牧

伯昌監四方，至于元戎出征，則軍中宜有柱石之賢帥，輜重所在，又宜有鎮守之重臣。然後車駕可已周行天下，無內外之慮。吾今當征賊，欲守之積年，其已尚書令、潁鄉侯陳羣爲鎮軍大將軍，尚書僕射西鄉侯司馬懿爲撫軍大將軍。若吾臨江，授諸將方略，則撫軍當留許昌，督後諸軍。錄後臺文書事，鎮軍隨車駕。當董督眾軍，錄行尚書事，皆假節鼓吹，給中軍兵騎六百人。吾欲去江數里，築宮室往來，其中見賊可擊之形，使出奇兵擊之。若或未可，則當舒六軍已遊獵，饗賜軍士。魏志文帝紀注引魏略文館詞林六百六十二征吳臨行，詔司馬懿。

吾深已後事爲念，故已委卿。曹參雖有戰功，而蕭何爲重使，吾無西顧之憂，不亦可乎？晉書書宣帝紀

詔賜張遼、李典子爵。

黃初六年

合肥之役，遼典已步卒八百，破賊十萬。自古用兵，未之有也。使賊

至今奪氣可謂國之爪牙矣其分遼典邑各百戶賜一子爵關內

侯魏志張達傳

追贈杜畿詔黃初六年

昔冥勤其官而水死稷勤百穀而山死故尚書僕射杜畿于孟津

試船遂至覆沒忠之至也朕甚愍焉追贈太僕諡曰戴侯魏志杜畿傳

贈夏侯尚詔黃初六年

尚自少侍從盡誠竭節雖云異姓其猶骨肉是已入為腹心出當

爪牙智略深敏謀謨過人不幸早殞命也奈何贈征南大將軍昌

陵侯印綬魏志夏侯尚傳注引魏書

還洛陽詔司馬懿

吾東撫軍當總西事吾西撫軍當總東事晉書宣帝紀

收鮑勛詔黃初七年四月

勛指鹿為馬收付廷尉魏志鮑勛傳

詔劉靖遷廬江太守

卿父昔為彼州今卿復據此郡可謂克負荷者也魏志劉敬傳

成泉合沐竝收校事劉肇曰狀聞有詔

肇為牧司爪牙吏而竝欲收縛無所忌憚自恃清名耶魏志常璜傳注引魏略

略清介傳

詔報孫豈

生敬其人死辭其室追遠敬終違而得道者也晉任城太守夫人孫氏碑長沙人恒

伯序有寡妻伏氏魏文帝曰妻也辭文帝詔報

賜薛悌等關內侯詔

薛悌駿吏也王思卻嘉純吏也各賜關內侯已報其勸魏志梁習傳注引魏略

略薛悌傳

械繫合狐浚詔

浚何愚魏志王浚傳注引魏書

答孟達薦王雄詔

昔蕭何薦韓信鄧禹進吳漢惟賢知賢也雄有膽智技能文武之
姿吾宿知之今便已參散騎之選方使少在吾門下知指歸便大
用之矣天下之士欲使皆先歷散騎然後出據州郡是吾本意也

魏志崔林傳注
引魏名臣奏

詔羣臣

三世長者知被服五世長者知飲食此言被服飲食非長者不別

也御覽六百八十九作
被服飲食難曉也

夫珍玩必中國夏則練總綃總其白如雪冬則羅紈綺縠衣疊鮮
文未聞衣布服葛也

前後每得蜀錦殊不相侶比適可訝而鮮卑尙復不愛也自吾所
織如意虎頭連璧錦亦有金薄蜀薄來至洛邑皆下惡是爲下工
之物皆有虛名魏文類聚八十五
御覽八百十五

江東爲葛蜜可比羅紉綺縠

御覽八百十八

前于闐王山習所上孔雀尾萬枝文彩五色已爲金根車蓋遙望

耀人眼目

藝文類聚九十一
御覽九百二十四

飲食一物南方有橘酢正裂人牙時有甜耳

藝文類聚
八百六十六

新城孟太守道蜀脂肫雞鷺味皆澹故蜀人作食喜著飴蜜已助

味也

書鈔一百四十七
御覽八百五十七

真定郡梨大若拳甘若蜜脆若菱可已解煩釋渴

藝文類聚八百六十六
御覽九百六十九

草二十九
觀本

南方有龍眼荔枝蜜比西國蒲萄石蜜乎酢且不如中國今已荔

枝賜將吏噉之則知其味薄矣凡棗味莫若安邑御棗也

藝文類
聚八百十

七御覽七十一
一百五十七
九百七十一

中國珍果甚多且復爲蒲萄說當其朱夏涉秋尚有餘暑酢酒宿醒掩露而食甘而不餽脰而不酢冷而不寒味長汁多除煩解渴

又釀曰爲酒甘于鞠粢善醉而易醒道之固已流涎咽唾況親食之邪他方之果寧有匹之者

藝文類聚八十七御覽九百七十三大觀本草二十三

敕豫州禁吏民往老子亭禱祝

黃初三年

告豫州刺史老聃賢人未宜先孔子不知魯郡爲孔子立廟成未漢桓帝不師聖法正已嬖臣而事老子欲已求福良足笑也此祠之興由桓帝武皇帝已老子賢人不毀其屋朕亦已此亭當路行來者輒往瞻視而樓屋傾頽儻能壓人故令修整昨過視之殊整頓恐小人謂此爲神妄往禱祝違犯常禁宜宣告吏民咸使知聞

續高僧傳三十僧勸難道論又釋道宣集古今佛道論衡

策諡麗德

延康元年

昔先軫喪元王蠋絕脰隕身殉節前代美之惟侯式昭果毅蹈難成名聲溢當時義高在昔寡人愍焉諡曰壯侯

魏志麗慈傳

策命孫權九錫文

黃初二年十一月

蓋聖王之法，曰德設爵，曰功制祿。勞大者祿厚，德盛者禮豐。故叔
旦有夾輔之勲，太公有鷹揚之功，竝啟土宇，并受備物，所曰表章
元功，殊異賢哲也。近漢高祖受命之初，分裂膏腴，曰王八姓，斯則
前世之懿事。後王之元龜也。朕曰不德，承運革命，君臨萬國，秉統
天機，思齊先代，坐而待旦。惟君天資忠亮，命世作佐，深覩厯數，達
見廢興，遠遣行人，浮于潛漢，望風景附，抗疏稱藩，兼納纖絀，南方
之貢，普遣諸將，來還本朝。忠肅內發，款誠外昭，信著金石，義蓋山
河。朕甚嘉焉。今封君爲吳王，使使持節太常高平侯貞，授君璽綬，
策書金虎符第一至第五，左竹使符第一至第十，曰大將軍使持
節督交州，領荊州牧事。錫君青土，且曰白茅，對揚朕命。曰尹東夏，
其上故驃騎將軍南昌侯印綬符策。今又加君九錫，其敬聽後命。
曰君綏安東南，綱紀江外，民夷安業，無或攜貳。是用錫君大輅戎
輅各一，玄牡二，駟。君務財勸農，倉庾盈積，是用錫君衮冕之服，赤

錫副焉君化民已德禮教興行敦義崇讓內外咸和二語從是用

錫君軒縣之樂君宣導休風懷柔百越是用錫君朱戶已居君運

其才謀官方任賢是用錫君納陛已登君顯直厝枉羣善必舉二語

從書錫補忠勇並奮清除姦慝是用錫君虎賁之士百人君振威陵邁

宣力荆南梟滅凶醜罪人斯得是用錫君鈇鉞各一君文和于內

武信于外禽討逆節折衝掩難二語從是用錫君彤弓一彤矢百

茲弓十茲矢千君已忠肅為基恭勤為德是用錫君鉅鬯一卣圭

瓚副焉欽哉敬敷訓典已服朕命已勛相我國家永終爾顯烈吳

大帝權傳二北堂書鈔三

十又成文類聚五十三
冊孫權太子登為東中郎封侯文

蓋河洛寫天意符讖述聖心昭晰著明與天談也故易曰河出圖

洛出書聖人則之孫將軍歸心國朝忠亮之節同功佐命而其子

當為魏將軍著在圖讖由漢光武受命李氏為輔王梁孫咸並見

符緯也斯乃皇天敎佑大魏永令孫氏仍世為佐其呂登為東中郎將封縣侯萬戶昔周嘉公且祚流七胤漢禮肅何一門十侯今孫將軍亦當如斯若夫長平之榮安豐之寵方斯蔑如魏文類聚五十一

除禁輕稅令

延康元年二月

關津所已通商旅池苑所已禦災荒設禁重稅非所已便民其除

池禦之禁輕關津之稅皆復什一

魏志文帝紀注引魏書

拜毛玠等子為郎中令

延康元年三月

故尚書僕射毛玠奉常王修涼茂郎中令袁渙少府謝奐萬潛中

尉徐奕國淵等皆忠直在朝履蹈仁義竝早即世而子孫陵遲惻

然愍之其皆拜子男為郎中

魏志文帝紀注引魏書

已鄭稱授太子經學令

延康元年五月

令龍淵太阿出昆吾之金和氏之璧由井里之田舊之已砥礪錯之已他山故能致連城之價為命世之寶學亦人之砥礪也稱簞

學大儒勉已經學輔侯宜旦夕入授魏志注曜明其志魏志文帝紀注引魏

略文館詞林

六百九十五

問張既令延康元年

試守金城太守蘇則既有綏民平夷之功聞又出軍西定湟中爲

河西作聲勢吾甚嘉之則之功效爲可加爵邑未暇封爵重事故

已問卿密白意且勿宣露也魏志蘇則傳注

敕盡規諫令延康元年七月庚辰

軒轅有明臺之議放勛有衢室之問皆所已廣詢于下也百官有

司其務已職盡規諫將率陳軍法朝士明制度牧守申政事縉紳

攷六藝吾將兼覽焉魏志文帝紀

孟達楊僕降附令延康元年七月庚辰

吾前遣使宣國威靈而達卽來吾惟春秋褻儀父卽封拜達使還
領新城太守近復有扶老攜幼首向王化者吾聞夙沙之民自縛

其君曰歸神農、國之眾、緇負其子、而入豐鎬、斯豈驅略迫脅之所致哉、乃風化動其情、而仁義感其衷、歡心內發、使之然也、曰此而推、西南將萬里無外、權備將與誰守死乎、魏志文帝紀注引魏略王自手筆令

復譙租稅令

延康元年七月甲午

先王皆樂其所生、禮不忘其本、譙霸王之邦、真人本出其復譙租

稅二年

魏志文帝紀注引魏書

殯祭死亡士卒令

延康元年十一月癸卯

諸將征伐士卒死亡者或未收斂、吾甚哀之、其告郡國給櫨槨殯

斂、送至其家、官為設祭

魏志文帝紀

曰李伏言禪代合符讖示外令

曰示外薄德之人何能至此、未敢當也、斯誠先王至德通于神明

固非人力也

魏志文帝紀注引魏書

辭符讖令

延康元年十一月丙午

犁牛之駁侶虎莠之幼侶禾事有侶是而非者今日是已觀斯言
事良重吾不德于是尙書僕射宣告官寮咸使聞知

魏志文帝紀注引獻帝傳

辭許芝等條上讖緯令

延康元年十一月辛亥

昔周文三分天下有其二曰服事殷仲尼歎其至德公旦履天子
之籍聽天下之斷終然復子明辟書美其人吾雖德不及二聖敢
忘高山景行之義哉若夫唐堯舜禹之蹟皆曰聖賢茂德處之故
能上和靈祇下監萬姓流稱今日今吾德至薄也人至鄙也遭遇
際會幸承先王餘業恩未被四海澤未及天下雖傾倉竭府曰振
魏國百姓猶寒者未盡煖飢者未盡飽夙夜憂懼弗敢違靈席欲
保全髮齒長守今日曰沒于地曰全魏國下見先王曰塞負荷之
責望狹志局守此而已雖屢蒙祥瑞當之戰惶五色無主若芝之
言豈所聞乎心慄手悼書不成字辭不宜口吾閒作詩曰喪亂悠
悠過紀白骨縱橫萬里哀哀下民靡恃吾將作時整理復子明辟

致仕庶欲守此辭曰自終卒不虛言也宜宣示遠近使昭赤心

文新紀注
引獻帝傳

再讓符命令

延康元年十一月辛亥

下四方曰明孤款心是也至于覽餘辭豈余所謂哉靈所堪哉諸卿指論未若孤自料之審也夫虛談謬稱鄙薄所弗當也且聞比來東征經郡縣歷屯田百姓而有飢色衣或襤褐不完罪皆在孤是曰上慙眾瑞下愧士民由斯言之德尚未堪偏王何言帝者也宜止息此議無重吾不德使逝之後不愧後之君子

魏志文帝紀
注引獻帝傳

荅司馬懿等再陳符命令

延康元年十一月癸丑

世之所不足者道義也所有餘者苟妄也常人之性賤所不足貴所有餘故曰不患無位患所曰立孤雖寡德庶自免于常人之貴夫后可破而不可奪堅丹可磨而不可奪赤丹后微物尙保斯質況吾託士人之末列曾受教于君子哉且於陵仲子曰仁爲富柏

城子高曰義爲貴鮑焦憾子貢之言棄其蔬而槁死薪者譏季札
失辭皆委重而弗視吾獨何人昔周武大聖也使叔旦盟膠鬲于
四內使召公約微子于共頭故伯夷叔齊相與笑之曰昔神農氏
之有天下不曰人之壞自成不曰人之卑自高曰爲周之伐殷目
恭也吾德非周武而義慙夷齊庶欲遠苟妄之失道立丹后之不
奪適於陵之所富蹈柏成之所貴執鮑焦之貞至遵薪者之清節
故曰三軍可奪帥匹夫不可奪志吾之斯志豈可奪哉

魏志文帝紀
注引獻帝傳

帝傳

止羣臣議禪代禮儀令

當議孤終不當承之意而已猶獵還方有令

魏志文帝紀
注引獻帝傳

又令

吾終不敢當之外亦何豫事也

同上

罷設受禪壇場令

屬山見外便設壇場斯何謂乎今當辭讓不受詔也但于帳前發
璽書威儀如常且天寒罷作墳士使歸

魏志文帝紀注引獻帝傳

既發璽書又下令

當奉還璽綬爲讓章吾豈奉此詔承此脫邪昔堯讓天下于許由
子州支甫舜亦讓于善卷石戶之農北人無擇或退而耕潁之陽
或辭曰幽憂之疾或遠入山林莫知其處或攜子入海終身不反
或曰爲辱自投深淵且顏燭懼太璞之不完守知足之明分王子
搜樂丹穴之潛處被熏重而不出柳下惠不曰三公之貴易其介
曾參不曰晉楚之富易其仁斯九士者咸高節而尚義輕富而賤
貴故書名千載于今稱焉求仁得仁仁豈在遠孤獨何爲不如哉
義有蹈東海而逝不奉漢朝之詔也亟爲上章還璽綬宣之天下
使咸聞焉

魏志文帝紀注引獻帝傳

辭請禪令

延康元年十一月乙卯

昔柏成子高辭夏禹而匿野、顏閭辭魯幣而遠跡、夫曰王者之重諸侯之貴、而二子忽之、何則、其節高也。故烈士徇榮名、義夫高貞介、雖蔬食瓢飲、樂在其中、是曰仲尼師王賡、而子產嘉申徒、今諸卿皆孤股肱腹心、足曰明孤、而今咸若斯、則諸卿遊于形骸之內、而孤求爲形骸之外、其不相知、未足多怪、亟爲上章還璽綬、勿復紛紛也。

魏志文帝紀
注引獻帝傳

讓禪令

夫古聖王之治也、至德合乾坤、惠澤均造化、禮教優乎昆蟲、仁恩洽乎草木、日月所照、戴天履地、含氣有生之類、靡不被服清風、沐浴玄德、是曰金革不起、苛慝不作、風雨應節、禎祥觸類而見、今百姓寒者未煖、飢者未飽、鰥者未室、寡者未嫁、權備尙存、未可舞曰千戚、方將整曰齊斧、戎役未息于外、士民未安于內、耳未聞康哉之歌、目未覩擊壤之戲、嬰兒未可託于高巢、餘糧未可曰宿于田。

畝人市木備至于此也夜未曙景星治未通真人河未出龍馬山
未出象車其英未植階庭是甫未生庖廚王母未獻白環渠搜未
見珍裘靈瑞未效又如彼也昔東戶季子容成大庭軒轅赫胥之
君咸得曰此就功勒名今諸卿獨不可少假孤精心竭慮曰和天
人曰格至理使彼眾事備羣瑞效然後安乃議此乎何遽相愧相
迫之如是也速爲讓章上還璽綬無重吾不德也

魏志文帝紀
注引獻帝傳

又令

泰伯三曰天下讓人無得而稱焉仲尼歎其至德孤獨何人上

答董巴等令

凡斯皆宜聖德故曰苟非其人道不虛行天瑞雖彰須德而光吾
德薄之人胡足曰當之今讓冀見聽許外內咸使聞知

魏志文帝
紀注引獻

帝傳

三讓璽綬令

冀三讓而不見聽何汲汲于斯乎

魏志文帝紀注引獻帝傳

讓禪令

天下重器王者正統曰聖德當之猶有懼心吾何人哉且公卿未

至乏主斯豈小事且宜曰待固讓之後乃當更議其可耳

魏志文帝紀注

引獻帝傳

又令

曰德則孤不足曰時則戎虜未滅若曰羣賢之靈得保首領終君

魏國于孤足矣若孤者胡足曰辱四海至平天瑞人事皆先王聖

德遺慶孤何有焉是曰未敢聞命

魏志文帝紀注引獻帝傳

允受禪令

昔者大舜飯糗茹草將終身焉斯則孤之前志也乃至承堯禪被

珍裘妻二女若固有之斯則順天命也羣公卿士誠曰天命不可

拒民望不可違孤亦曷曰辭焉

魏志文帝紀注引獻帝傳

令

樹德垂聲崇化篤俗

文選桓溫薦譙秀表注

道薄于當年風蹟于百代矣

同上

答卞蘭敘

賦者言事類之所附也頌者美盛德之形容也故作者不虛其辭受者必當其實蘭此賦豈吾實哉昔吾丘壽王一陳寶鼎何武等徒曰歌頌猶受金帛之賜蘭事雖不諛義足嘉也今賜牛一頭

魏志

卞后傳注引魏略又藝文類聚十六又五十六御覽五百八十七

賜進士出身二品銜廣東等處提刑按察使司按察使兼管驛傳事務黃岡王毓藻校刊

全三國文卷七

烏程嚴可均校輯

魏

文帝

上書讓禪

魏文類聚題作讓授禪表

皇帝陛下奉被今月乙卯璽書、伏聽冊命、五內驚震、精爽散越、不知所處、臣前上還相位、退守藩國、聖恩聽許、臣雖無古人量德度身、自定之志、保已存性、實其私願、不寤陛下猥損過謬之命、發不世之詔、已加無德之臣、且聞魏文類聚作臣聞堯禪重華、舉其克諧之德、舜授文命、宋其齊聖之美、猶下咨四嶽、上觀璚璣、今臣德非虞夏、行非二君、魏文類聚作二后而承厯數之諮、應選授之命、內自揆撫、無德已稱、且許由匹夫、猶拒帝位、善卷布衣、而逆虞詔、臣雖鄙蔽、敢忘守節、已當大命、不勝至願、謹拜章陳情、使行相國、永壽少府、冀土

臣毛宗奏竝上璽綬魏志文帝紀注引獻帝傳又略見藝文類聚十三

上書再讓禪

奉今月戊戌璽書重被聖命伏聽冊告肝膽戰慄不知所措天下神器禪代重事故堯將禪舜納于大麓舜之命禹玄圭告功烈風不迷九州攸平詢事攷言然後乃命而猶執謙讓于德不嗣況臣頑固質非二聖乃應天統受終明詔敢守微節歸志箕山不勝犬願謹拜表陳情使并奉上璽綬魏志文帝紀注引獻帝傳

上書三讓禪

臣聞舜有賓于四門之勳乃受禪于陶唐禹有存國七百之功乃承祿于有虞臣已蒙蔽德非二聖猥當天統不敢聞命敢屢抗疏略陳私願庶章通紫庭得全微節情達宸極永守本志而音重復銜命申制詔廷臣臣實戰惕不發璽書而音迫于嚴詔不敢復命願陛下馳傳騁驛召音還臺不勝至誠謹使宗奉書魏志文帝紀注引獻帝傳

有司劾田疇不受封宜免官加刑議

建安十五年

皆遣放逃祿傳載其美所召激濁世勵貪夫賢于尸祿素餐之人

也故可得而小不可得而毀至于田疇方斯近矣免官加刑于法

為重

魏志田疇傳注引魏書

報傅崔琰

昨奉嘉命惠示雅數欲使燔翳捐襁翳已壞矣襁亦去焉後有此

比蒙復誨諸

魏志崔琰傳

昨奉嘉命廣開正路翳已壞矣畢亦去焉師傅之言實獲我心

文苑

英華六百二十七辭元超諫皇太子陵引此與魏志不同

報吳主孫權

黃初三年正月癸亥

昔隗囂之斃禍發拘邑子陽之禽變起扞關將軍其元厲威武勉蹈奇

功已稱吾意

魏志文帝紀注引魏書

又報吳主孫權

黃初三年九月

全三國文卷七

魏文帝

二

君生于擾攘之際、本有縱橫之志、降身奉國、已享茲祚、自君策名
已來、貢獻盈路、討備之功、國朝仰成、埋而掘之、古人之所恥、朕之
與君、大義已定、豈樂勞師、遠臨江漢、廊廟之議、王者所不得專、三
公上君過失、皆有本末、朕已不明、雖有曾母投杼之疑、猶冀言者
不信、已爲國福、故先遣使者犒勞、又遣尙書侍中踐修前言、已定
任子、君遂設辭、不欲使進、議者怪之、又前都尉浩周勸君遣子、乃
實朝臣交謀、已此卜君、君果有辭、外引隗囂遣子不終、內喻竇融
守忠而已、世殊時異、人各有心、浩周之還、口陳指麾、益令議者發
明、眾嫌終始之本、無所據杖、故遂俛仰從羣臣議、今省上事、款誠
深至、心用慨然、懷愴動容、卽日下詔、赦諸軍、但深溝高壘、不得妄
進、若君必效忠節、已解疑議、登身朝到、夕召兵還、此言之誠、有如

大江

吳志吳主權
紀黃武元年

手報司馬芝

省長明卿至心欲奉詔書曰權行事是也此乃卿奉詔之意何謝之有後黃門復往慎勿通也

魏志司馬芝傳

報王朗

黃初初年

覽表雖魏絳稱虞箴曰諷晉悼相如陳猛獸曰戒漢武未足曰喻方今二寇未殄將帥遠征故時入原野曰習戎備至于夜還之戒

已詔有司施行

魏志王朗傳

答繁欽書

披書歡笑不能自勝奇才妙伎何其善也頃守宮王孫世有女曰瑣年始九歲夢與神通寤而悲吟哀聲急切涉歷六載于今十五近者督將具曰狀聞是日戊午祖于北園博延眾賢遂奏名倡曲極數彈歡情未逞白日西逝清風赴闌羅幃徒祛玄燭方微乃令從官引內世女須臾而至厥狀甚美素顏玄髮皓齒丹脣詳而問之云善歌舞于是振袂徐進揚蛾微眄芳聲清激逸足橫集眾倡

騰遊羣賓失席、然后修容飾妝、改曲變度、激清角、揚白雪、接孤聲、赴危節、于是商風振條、春鴈度吟、飛霧成霜、斯可謂聲協鐘石、氣應風律、網羅韶濩、囊括鄭衛者也、今之妙舞、莫巧于絳樹、清歌、莫善初學記、御覽作莫歌于宋牼、豈能上亂靈祇、下變庶物、漂悠風雲、橫厲無方、若斯也哉、固非車子喉轉、長吟所能逮也、吾練色知聲、雅應此選、謹卜良日、納之閑房、藝文類聚四十三、初學記十九、二十五、三十、御覽三百八十一、五百七十三、九百二

重惠流離卮昭厚意御覽七百六十一

袁王國士，更爲脣齒，苟閔勁悍，往來銳師，眞君侯之勍敵，左右之

九日與鍾繇書

歲往月來忽復九月九日九爲陽數而日月並應俗嘉其名曰爲
宜于長久故曰享宴高會是月律中無射言羣木庶草無有射地
而生至于芳菊紛然獨榮非夫含乾坤之純和體芬芳之淑氣孰
能如此故屈平悲冉冉之將老思飡秋菊之落英輔體延年莫斯
之貴謹奉一束曰助彭祖之術魏文類聚四北堂書鈔一百五十五初學記四御覽三十二
鑄五熟金成與鍾繇書

昔者黃帝三鼎周之九寶咸曰一體使調一味豈若斯金五味時
芳蓋鼎之烹飪曰饗上帝曰養聖賢昭德祈福莫斯之美故非大
人莫之能造故非斯器莫宜盛德今之嘉金有逾茲美夫周之尸
臣宋之攷父衛之孔悝晉之魏顗彼四臣者竝曰功德勒名鍾鼎
今執事實亮大魏曰隆聖化堂堂之德于斯爲盛誠太常之所宜
銘彝器之所宜勒故作斯銘勒之金口庶可贊揚洪美垂之不朽
魏志鍾繇傳注引魏略又見御覽七百五十七

又與鍾繇書

丕白良玉比德君子珪璋見美詩人晉之垂棘魯之璵璠宋之結緣楚之和璞價越萬金貴重都城有稱疇昔流聲將來是已垂棘出晉虞號雙禽和璧入秦相如抗節竊見玉書稱美玉白如截肪黑譬純漆赤擬鷄冠黃侔蒸栗側聞斯語未覩厥狀雖德非君子義無詩人高山景行私所仰慕然四寶邈焉已遠秦漢未聞有良比也求之曠年不過厥真私願不果飢渴未副近日南陽宗惠叔稱君侯昔有美璞聞之驚喜笑與朴會當自白書恐傳言未審是已令舍弟子建因荀仲茂時從容喻鄙旨乃不忽遺厚見周稱鄴騎既到寶璞初至捧匣跪發五內震駭繩窮匣開爛然滿目猥目蒙鄙之姿得觀希世之寶不煩一介之使不損連城之價既有秦昭章臺之觀而無蘭生詭奪之誑嘉貺益腆敢不欽承謹奉賦一篇

篇曰讚揚麗質丕白

鍾繇傳注引魏略文選御覽九百六十四

又報鍾繇書

得報知喜南方至于荀公之清談孫權之斌媚執書嗛嗛不能離手若權復黠當折曰汝南許邵月旦之評權優游二國俯仰荀許亦已足矣

魏志鍾繇傳注引魏略

借取廓落帶嘲劉楨書

夫物因人爲貴故在賤者之手不御至尊之側今雖取之勿嫌其不反也

魏志王粲傳注引典略

與吳質書

五月十八日丕白季重無恙途路雖局官守有限願言之懷良不可任足下所治僻左書問致簡益用增勞每念昔日南皮之游誠不可忘既妙思六經逍遙百氏彈棊閒設終日六博高談娛心宴等順耳馳騫北場旅食南館浮甘瓜于清泉沈朱李于寒水白日既匿繼以朗月同乘並載曰游後園興輪徐動參從無聲清風夜

起悲筋微吟樂往哀來淒然傷懷余顧而言斯樂難常足下之徒
誠曰爲然今果分別各在一方元瑜長逝化爲異物每一念至何
時可言方今糴賓紀時景風扇物天氣和暖眾果具繁時駕而游
北遵河曲從者鳴笳已啟路文學託乘于後車節同時異物是人
非我勞如何今遣騎到鄴故使枉道相過行矣自愛丕白

王粲傳注引魏略又

文選又見魏志

又與吳質書

二月三日丕白歲月易得別來行復四年三年不見東山猶歎其
遠況乃過之思何可支雖書疏往返未足解其勞結昔年疾疫親
故多離其災徐陳應對一時俱逝痛可言邪昔日遊處行則連輿
止則接席何曾須臾相失每至觴酌流行絲竹並奏酒酣耳熱仰
而賦詩當此之時忽然不自知樂也謂百年已分可長共相保何
圖數年之間零落略盡言之傷心頃撰其遺文都爲一集觀其姓

名曰爲鬼錄追思昔遊猶在心目而此諸子化爲糞壤可復道哉
觀古今文人類不護細行鮮能曰名節自立而偉長獨懷文抱質
恬淡寡欲有箕山之志可謂彬彬君子者矣著中論二十餘篇成
一家之言辭義典雅足傳于後此子爲不朽矣德璉常斐然有述
作之意其才學足曰著書美志不遂良可痛惜閒者歷覽諸子之
文對之拭淚旣痛逝者行自念也孔璋章表殊健微爲繁富公幹
有逸氣但未適耳其五言詩之善者妙絕時人元瑜書記翩翩致
足樂也仲宣續自善于辭賦惜其體弱不足起其文至于所善古
人無曰遠過昔伯牙絕絃于鍾期仲尼覆醢于子路痛知音之難
遇傷門人之莫逮諸子但爲未及古人自一時之儔也今之存者
已不逮矣後生可畏來者難誣然恐吾與足下不及見也年行已
長大所懷萬端時有所慮至通夜不瞑志意何時復類昔日已成
老翁但未白頭耳光武言年三十餘在兵中十歲所更非一吾德

不及之年與之齊矣。呂大羊之質服虎豹之文。無眾星之明。假日

月之光。動見瞻觀。何時易乎。恐永不復得為。昔日遊也。少壯真當

努力。年一過往。何可攀援。古人思炳燭夜遊。良有旨也。頃何旨自

娛。頗復有所述造。不東望於邑。裁書敘心。不白。魏志王粲傳又裴

文類聚卷二十六

又與吳質書延康元年

南皮之游。存者三人。烈祖龍飛。或將或侯。今惟吾子。棲遲下仕。從

我游處。獨不及門。鈺罄疊恥。能無懷愧。路不云遠。今復相聞。魏志

注傳

答曹洪書

今魯包凶邪之心。肆蠱惑之政。天兵神拊。師徒無暴。樵牧不臨。文選

陳孔璋為曹洪與文帝書注

今魯罪兼苗桀。惡稔厲莽。縱使宋翟妙機械之巧。田單騁奔牛之

自孫吳勒八陳之變猶無益也上同

與曹洪書

五賢興邦二八登帝曹鈔十一

與王朗書建安二十二年冬

生有七尺之形死惟一棺之土惟立德揚名可已不朽其次莫如

著篇籍疫癘數起士人彫落余獨何人能全其壽故論撰所著典

論詩賦蓋百餘篇集諸儒于肅城門內講論大義侃侃無倦魏志文帝

紀注引

蚤發雖細處于安寢魏書蟣鼠雖微猶毀郊牛初學記二十九鼠御覽九百五十一

不白不受江漢之珠而受巴蜀之鉤此言難得之貴賈不若易有

之賤物御覽三百五十四

孫權重遣使稱臣奉貢明珠百筐黃金千鎰馴象二頭或牝或牡

擾禽鸚鵡其他珍玩盈舟溢航千類萬品御覽六百二十六

答王朗書

建安二十四年

昔石厚與州吁游、父碯知其與亂、韓子昵田蘇、穆子知其好仁、故君子游必有方、居必就士、誠有已也、嗟乎宋忠、無石子先識之明、老羅此禍、今雖欲願行滅親之誅、立純臣之節、尙可得耶、

蜀志尹默傳注

引鏡

答劉備書

其詞不類疑有誤

獲累紙之命、兼美之貺、他既備善、雙鉤尤妙、前後之惠、非賢兄之貢、則執事之貽也、來若川流、聚成山積、其充匱笥、賴府藏者、固已無數矣、

御覽三百五十四

與孟達書

延康元年

近日有命、不足達旨、何者、昔伊摯背商而歸周、百里去虞而入秦、樂毅感鵠、夷己蟬蛻、王遵識順逆、已去就、皆審廢興之符效、知成敗之必然、故丹青畫其形容、良史載其功勳、聞卿姿度純茂、器量

優絕當騁能明時收名傳記今者翻然濯鱗清流甚相嘉樂虛心
西望依依若舊下筆屬辭歡心從之昔虞卿入趙再見取相陳平
就漢一覲參乘孤今于卿情過于往故致所御馬物已昭忠愛

明帝紀注
引魏略

今者海內清定萬里一統三垂無邊城之警中夏無狗吠之虞已
是弛罔闊禁與世無疑保官空虛初無資任卿來相就當明孤意
慎勿令家人續紛道路已親駭疏也若卿欲來相見且當先安部
曲有所保固然後徐徐輕騎來東同上

與孫權書

前使于禁郭及夫所道吾織驪馬本欲使禁自致之念將軍儻欲
速得今故先已付徐奉往此二馬朕之常所自乘甚調良善走數
萬匹之極選者乘之真可樂也中國雖饒馬其知名絕足亦時有
之耳

藝文類聚九十三
御覽八百九十四

知己選擇見船最大樟材者六艘受五百石從沔水送付樊口御覽

七百七十

今因趙咨致文馬一匹白鱗子裘一領石蜜五斛鮓魚千枚御覽

五十七九百三十八

與諸將書

劉備既孤老智窮勢極正使欲與外爭則諸將軍便當就穴中將

取之爾北堂書鈔一百五十八

與劉曄書

別生帽裁製微不長有信里父之服御覽六百八十七案張傳本作劉生帽裁兩段製微不

長有信里父之服今帽所當著校御覽多七字共一字

與朝臣書

江表惟長沙名有好米何得比新城杭稻邪上風炊之五里聞香

類聚八十五初學記二十七御覽八百三十九

送劍書

僕有劍一枚明珠標首藍玉飾靶因給左右已除妖氛

敘詩

爲太子時北園及東閣講堂竝賦詩命王粲劉楨阮瑀應瑒等同

作初學記十皇太子門引魏文帝集

敘繁欽

上西征余守譙繁欽從時辭訪車子能喉嚨與笳同音欽賤還與

余盛歎之雖過其實而其文甚麗文選繁欽與魏文帝賤注引文帝集

敘陳琳

上平定漢中族父都護還書與余盛稱彼方土地形勢觀其詞知

陳琳所敘爲也文選陳孔璋爲曹洪與文帝書注卸覽五百九十五並引文帝集

誠子

父母于子雖肝腸腐爛爲其掩避不欲使鄉黨士友聞其罪過然

行之不致久矣人自知之用此任官不亦難乎

御覽四百五十九

周成漢昭論

或方周成王于漢昭帝僉高成而下昭余曰爲周成王體上聖之休氣稟賢妣之貽誨周召爲保傅呂尚爲太師口能言則行人稱辭足能履則相者導儀目朕威容之美耳飽仁義之聲所謂沈漬玄流而沐浴清風者矣猶有咎悔聆二叔之誨使周公東遷皇天赫怒顯明厥咎猶啟諸金縢稽諸國史然後乃悟不亮周公之聖德而信金縢之教言豈不暗哉夫孝昭父非武王母非邑姜養惟蓋主相則桀光體不承聖化不胎育保無仁孝之質佐無隆平之治所謂生于深宮之中長于婦人之手然而德與性成行與體并年在二七早智夙達發燕書之詐亮霍光之誠豈將有啟金縢信國史而後乃悟哉使夫昭成均年而立易世而化質臣而治換樂而歌則漢不獨少周不獨多也

藝文類聚十二
御覽八十九

太宗論

昔有苗不賓、重華舞曰千戚、尉佗稱帝、孝文撫曰恩德、吳王不朝、錫之几杖、已撫其意、而天下賴安、乃弘三章之教、愷悌之化、欲使曩時累息之民、得闊步高談、無危懼之心、若賈誼之才、敏籌畫國政、特賢臣之器、管晏之姿、豈若孝文大人之量哉、魏志文帝紀注引魏書

交友論

夫陰陽交、萬物成、君臣交、邦國治、士庶交、德行光、同憂樂、共富貴、而友道備矣、易曰上下交而其志同、由是觀之、交乃人倫之本務、王道之大義、非特士友之志也、初學記十八引魏文帝集

連珠

蓋聞琴瑟高張、則哀彈發、節士抗行、則榮名至、是曰申胥流音于南極、蘇武揚聲于朔裔、

蓋聞四節異氣、已成歲、君子殊道、已成名、故微子奔走而顯、比干

剖心而榮

蓋聞驚蹇服御良樂咨嗟鈴刀剖截歐冶歎息故少師幸而季梁

懼宰嚭任而伍員憂

其文類聚五十七

五熟金銘

於赫有魏作漢藩輔厥相惟鍾寔幹心膂靖恭夙夜匪遑安處百

寮師師楷茲度矩

魏志鍾繇傳

露陌刀銘

於鑠良刀胡煉亶時譬諸麟角靡所任茲不逢不若永世寶持

類聚六十初學記二十

曹蒼舒諫

惟建安十有五

執文類聚作二

年五月甲戌童子曹蒼舒卒嗚呼哀哉乃

作諫曰

於惟淑弟懿矣純良誕豐含質荷天之光既哲且仁爰柔克剛彼

德之容茲義肇行猗歟公子終然允戎宜逢介祉已永無疆如何
昊天雕斯俊英嗚呼哀哉惟人之生忽若朝露促促百年暨暨行
暮矧爾既夭十三而卒何辜于天景命不遂兼悲增傷倅僚失氣
永思長懷哀爾罔極貽爾良妃懃爾嘉服越己乙酉宅彼城隍增
上戢戢寢廟渠渠姻媾雲會充路盈衢悠悠羣司岌岌其車傾都
蕩邑爰迄爾居魂而有靈庶可已娛嗚呼哀哉

藝文類聚四十五古文苑

武帝哀策文

痛神曜之幽潛哀鼎俎之虛置舒皇德而詠思遂膈臆已莅事矧
乃小子夙遭不造熒熒在疚嗚呼皇考產我曷晚棄我曷早羣臣
子輔奪我哀願猥抑奔墓俯就權變卜葬既從大隧既通漫漫長
夜窈窕立宮有晦無明曷有所窮國簿既整三官駢羅前驅建旗
方相執戈棄此宮庭陟彼山阿

藝文類聚十三

受禪告天文

延康元年十一月辛未

皇帝臣丕敢用玄牡昭告于皇皇后帝漢歷世二十有四踐年四百二十有六四海困窮王綱不立五緯錯行靈祥竝見推術數者慮之古道咸曰爲天之祿數運終茲世凡諸嘉祥民神之意比昭有漢數終之極魏家受命之符漢主曰神器宜授于臣憲章有虞致位于丕丕震畏天命雖休勿休羣公庶尹六事之人外及將士泊于蠻夷君長僉曰天命不可曰辭拒神器不可曰久臆羣臣不可曰無主萬機不可曰無統丕祗承皇象敢不欽承卜之守龜兆有大橫筮之三易兆有革兆謹擇元日與羣寮登壇受帝璽綬告類于爾大神惟爾有神尙饗永吉兆民之望祚于有魏世享

魏志文帝

純注引獻帝傳

失題

博覽羣書

書鈔十二引魏文集

賜進士出身二品銜廣東等處提刑按察使司按察使兼管驛傳事務黃岡王毓藻校刊

全三國文卷七終